



Broj: 37/18

Na osnovu članova 18, 19, 20, 21, 23, 33 i 43. Statuta Samostalnog sindikata radnika u BHRT-u, Upravni odbor Samostalnog sindikata radnika u BHRT-u, na svojoj 39. sjednici održanoj 27. februara 2018. godine u Sarajevu d o n o s i :

Odluku o članstvu u SSR u BHRT-u

Član 1.

Ovom odlukom se preciznije definiše način stupanja u članstvo, prestanak članstva, kao i značenje mirovanja članstva u Samostalnom sindikatu radnika u BHRT-u.

Stupanje u članstvo

Član 2.

Svaki zaposleni, penzionisani, kao i radnik na ugovoru o djelu Radiotelevizije Bosne i Hercegovine postaje članom potpisivanjem pristupnice u članstvo SSR u BHRT-u.

Izuzetno od odredbe stava 1. ovog člana, zaposlenici, penzioneri i radnici na ugovoru o djelu Radiotelevizije Bosne i Hercegovine ne mogu biti članovi SSR u BHRT-u u slijedećim slučajevima:

1. Ukoliko je članstvo u suprotnosti sa članom 19. Statuta SSR u BHRT-u
2. Ukoliko je osoba koja je potpisala pristupnicu djelovala suprotno ciljevima i interesima SSR u BHRT-u
3. Ukoliko osoba koja je potpisala pristupnicu ima status penzionera duže od 13 mjeseci.

Ukoliko je osoba iz stava 2 ovog člana uplatila članarinu, isti iznos novca će joj bit vraćen uplatom na račun ili isplatom iz blagajne.

Mirovanje članstva

Član 3.

Članstvo u SSR u BHRT-u miruje dužnosnicima i radnicima koji kao članovi SSR u BHRT-u steknu pregovaračka ovlaštenja na strani poslodavca, a što se određuje aktom poslodavca.

Ukoliko ne postoji akt poslodavca koji određuje odgovorne osobe, Upravni odbor SSR u BHRT-u zadržava pravo da stavi u stanje mirovanja članstvo svake osobe za koju smatra da učestvuje u pregovorima na strani poslodavca.

Član 4.

Članovi čije članstvo u SSR u BHRT-u miruje, nemaju pravo biti članovi bilo kog njegovog organa, odnosno učestvovati u donošenju odluka u organima SSR u BHRT-u i njegovih podružnica.

Prestanak članstva

Član 5

Članstvo u SSR u BHRT-u prestaje u slijedećim slučajevima:

1. Ukoliko je članstvo u suprotnosti sa članom 19. Statuta SSR u BHRT-u
2. Ukoliko je član teže povrijedio Statut SSR u BHRT-u
3. Ukoliko je član djelovao suprotno ciljevima i interesima SSR u BHRT-u
4. Ukoliko član nije platio članarinu 3 mjeseca
5. Ukoliko mu je prestao važiti ugovor sa BHRT-om, a nije penzionisan, niti je pokrenut spor zbog prestanka važenja ugovora.

U slučajevima iz tački 4. i 5. prethodnog stava, Upravni odbor može razmotriti zahtjev za ponovno učlanjenje, ukoliko to nije u suprotnosti sa ostalim odredbama ove Odluke.

Član 6.

Upravni odbor SSR u BHRT-u donosi odluku o prestanku članstva i mirovanju članstva za svakog člana.

Evidencija članstva

Član 7.

Centralnu evidenciju članstva vodi izvršni sekretar i brine se o njenoj usklađenosti sa Zakonom, Statutom i odlukama organa SSR u BHRT-u.

Član 8.

Izvršni sekretar podnosi Upravnom odboru svaka 3 mjeseca izvještaj o stanju članstva, uz obrazloženje elemenata koji su u suprotnosti sa ovom odlukom.

Završne odredbe

Član 9.

Ova odluka stupa na snagu danom donošenja.

Stupanjem na snagu ove odluke, prestaje da važi Odluka o članstvu broj: 01/2015

Sarajevo, 27.2.2018.

**Upravni odbor
Samostalnog sindikata radnika
u BHRT-u**